

# Consillu Armânjloru

(Consillu Makedonarmânjloru)

[www.makedonarman-council.org](http://www.makedonarman-council.org) e-mail : [info@makedonarman-council.org](mailto:info@makedonarman-council.org)

## *Cârciunu Hâriosu !*

*Tinjisits sh-duruts Armânji !*

**Biroulu di Cumândâseari a Consillui Makedon-Armânjloru (CMA) uarâ  
Armânjloru di iutsido unu Cârciunu Hâriosu, cu sânâtati, ghineatsâ sh-  
prucukii !**

Cu furnjia a Sârbâtoriloru Sâmti di Cârciunu, aprukeats di partea CMA nai ma aleaptili mindueri trâ voi, trâ fumeljili a voasti sh-ti tutâ soia vrutâ.

Tutu cu aestâ furnjii, Cumândâsearea CMA haristuseashti Armânjloru di iutsido cari cu vreari shi shteari, cu tinjiseari sh-dukeari armâneascâ ama sh-cu multu copusu, andrupârâ tuti activitâtsli di estanu cilâstâsinda trâ avigljearea a yishteriloru shi a identitatiljei etnicâ, culturalâ, lingvisticâ shi di pisti a Armânjloru – activitâts tu cari Armânjlji sh-spuserâ yilia a banâljei a loru, sâ spusirâ la tuts alantsâ anamisa di cari bâneadzâ câ au vrearea ta s-hibâ luyursits ca parti di “idyulu populu”, a s-hibâ câ bâneadzâ ampârtsâts tu craturli natsiunali ditu Balcanu.

CMA haristuseashti atsiloru cari, pritu lucurlu-a loru, agiutarâ sh-andrupârâ ca Armânjillji, ampârtsâts di sinuri, s-aibâ urdinari sh-cânushteari cama bunâ.

Consillu Makedon-Armânjloru, cilâstâsi sh-va cilâstâseascâ sh-de-aoa shi-nclo trâ andruparea a câftâriloru tsi yinu di la Farili Armâneshtsâ di iutsido ca limba sh-cultura Armânjloru s-armânâ tu yishtearea culturalâ ali Evropâ.

Consillu Makedon-Armânjloru  
Biroulu di Cumândâseari

tu 25-li di Andreu, 2012

(Bulitinu Infurmativu Nr. 38)